

Romae in mausoleo Hadriani, descripta reperitur in vetere codice Einsidlensi, de quo supra p. 28 not., et denuo saec. XIV et XV, quo exeunte periisse videtur (VI 986). Vv. divisionem videtur servasse Cyriacus. — Est titulus sepulchralis imperatoris Antonini Aug. Pii, omnes honores ei habitos recensens.

347 divo Antonino Aug. Pio | Antoninus Augustus et | Verus Augustus filii.

Romae in basi columnae, exornata opere anaglypho ad consecrationem Antonini pertinente, rep. in campo Martio, est in hortis Vaticanis (VI 1004; Huebner ex. scr. ep. 294).

348 divo Antonino et¹ | divae Faustinae ex s. c.

In foro Romano in epistyllo aedis Antonini et Faustinae (postea in ecclesiam S. Laurentii conversae), litteris maximis (VI 1005; Huebner ex. scr. ep. 295). — 1) Haec videntur postea addita esse, cum antea aedes soli Faustinae dedicata fuisset.

349 divae Faustin[a]e Augustae imp. Caesaris T. Aelii Hadriani Antonini Aug. Pii pontif. maximi, trib. pot. III¹, cos. III, p. p.

Romae in mausoleo Hadriani, (VI 987 servavit vetus codex Einsidlensis, de quo supra p. 28 not.). Est titulus sepulchralis Faustinae maioris. — 1) Dec. 140/1; et ait biographus Pii c. 6 tertio anno imperii sui (Iul. 140/144) Faustinae uxorem ei ereptam esse.

350 M. Aurelius Fulvus Antoninus, filius imp. Caesaris T. Aelii Hadriani Antonini Aug. Pii p. p.

351 M. Galerius Aurelius Antoninus, filius imp. Caesaris Titi Aelii Hadriani Antonini Aug. Pii p. p.

Romae in mausoleo Hadriani (VI 988. 989, servavit vetus codex Einsidlensis). Tituli sepulchrales duorum filiorum Antonini Pii, quorum mentio extat etiam in vita Pii c. 1, alterius memoria praeterea in nummo nescio cuius civitatis Graecae (Eckhel 7, 42; Cohen ed. 2 II 443) inscripto M. Γαλέριος Ἀντωνεῖνος ἀποκράτορος Ἀντωνεῖνον υἱός.

352 Aurelia Fadilla¹, filia imp. Caesaris Titi Aelii Hadriani Antonini Augusti Pii p. p.

Romae in mausoleo Hadriani (VI 990, servavit vetus codex Einsidlensis). — 1) Filia maior Antonini Pii, uxor Lamiae Silani vel potius Silvani (vit. Ant. 1), mortua ante annum 138 (vit. 3), sed postea, ut ex hoc titulo apparet, tumulo Hadriani inlata.

Concubina Antonini Pii videtur memorari VI, 8972.

353 M. Aelio Aurelio | Caes.¹ cos. II², fil. | imp. Antonini Aug. Pii | p. p., d. d. p.³

Firmi Piceni (IX 5354). — 1) Ita plerumque appellatur in monumentis Italiae Marcus qui postea imperavit, cum provinciarum tituli plerique (ut etiam nummi civitatum Graecarum, cf. Eckhel 7, 69) ei addant cognomen Veri, quod habuit a patre naturali M. Anno Vero; ceterum etiam ubi inter testes recensetur senatus-consulti alicuius facti sub Pio (III S. 7060), est M. Aelius imp. Titi Aeli [Hadriani Antonini] f. Pap. Aurelius Verus. — 2) Consul fuit Marcus a. 140, iterum a. 145. — 3) Decreto decurionum publice.